



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU SNAGE CENTRA

Broj: 03-07-6-350/18
Sarajevo, 24.05.2019. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Snage centra za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Snaga centra prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Snage centra za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Snaga centra se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	965,00	19,65
3.	Prilozi pravnih lica (3-b)	0,00	5,74
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	3.946,00	80,35
8.	Prihodi od propagande (3-g)	0,00	0,00
I	Ukupni prihodi (1-8)	4.911,00	100,00
II	Ostali prihodi i drugo	0,00	0,00
	Izvori finansiranja (I+II)	4.911,00	100,00

U godišnjem finansijskom izvještaju za 2017. godinu Snaga centra iskazala je rashode u iznosu od 6.411,00 KM.

2. PREDSTAVLJANJE POLITIČKE STRANKE

Naziv političke stranke: Snaga centra.

Stranka je registrovana kod Općinskog suda u Zenici, rješenjem broj: 043-0-F1-16-000001 od 16.05.2016. godine.

Sjedište političke stranke je u Zenici, Titova 61.

Ovlaštena lica za predstavljanje stranke su: Eldin Vrač, predsjednik stranke i Adnan Šabani, podpredsjednik stranke¹.

Lice ovlašteno za finansijske izvještaje za 2017. godinu je Zlatan Mašić.

Stranka je na obrascu 1. godišnjeg finansijskog izvještaja (*Opći podaci o političkoj stranci*) konstatovala da ima niže nivoe organizovanja, a u organizacionoj strukturi navela je samo Sjedište stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Snage centra za 2017. godinu.

¹ Podaci o predstavljanju stranke su preuzeti iz Rješenja Općinskog suda u Zenici broj: 043-0-F1-16-000001 od 16.05.2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Snage centra obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjeg finansijskog izvještaja Snage centra za 2016. godinu, nakon čega je izdat izvještaj o pregledu sa mišljenjem revizora, nalazima i preporukama stranci da vodi pravilne evidencije o svojim prihodima i rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu dokumentaciju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Snaga centra nije ispoštovala date preporuke.

5. NALAZI I PREPORUKE

5.1. NALAZI

Snaga centra prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Snaga centra nije pravilno evidentirala prihode, rashode i finansijski izvještaj nije podnijela u formi koju je propisala Centralna izborna komisija Bosne i Hercegovine, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Snaga centra nije u obrascu 1 (Opći podaci o političkoj stranci) unijela podatke o sjedištu, nazivu suda u kojem je izvršena registracija, te broju i datum upisa u sudski registar, čime je prekršila člana 9. Pravilnika.
- (2) Služba za reviziju je utvrdila da je Snaga centra u obrascu 3 (izvori finansiranja) godišnjeg finansijskog izvještaja iskazala prihode iz budžeta u iznosu od 3.946,00 KM.

Kontrolom prometa izvoda sa transakcijskog računa kod Sparkasse Bank, utvrđeno je da je stranka primila sredstva iz budžeta Budžeta Grada Zenica u ukupnom iznosu: 1.946,00 i sredstva sa transakcijskog računa Ministarstva finansija i trezora BiH po nalogu Centralne izborne komisije Bosne i Hercegovine u iznosu od 2.000,00 KM.

Kako se radi o povratu uplaćene takse za ovjeru političke stranke na Lokalnim izborima 2016. godine, a ne prihodima iz budžeta, stranka je u poslovnim knjigama i godišnjem finansijskom izvještaju prihode iz budžeta, odnosno ukupne prihode iskazala u većem iznosu za 2.000,00 KM od ostvarenih, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe člana 13. i člana 19. Pravilnika o godišnjim finansijskim izvještajima političkih stranaka - u daljnjem tekstu: Pravilnik.

(3) Stranka u finansijskom izvještaju nije prijavila troškove u skladu sa odredbama člana 22. Pravilnika.

Pregledom je utvrđeno da stranka nije transparentno prikazala utrošak značajnog dijela sredstava. Stranka je prijavila troškove usluga u iznosu od 5.560,00 KM i troškove ostalog materijala u iznosu od 595,00 KM. U skladu sa članom 22. Pravilnika, stranka je bila obavezna navesti vrstu svakog troška pojedinačno.

5.2. PREPORUKE

Preporučuje se političkoj stranci Snaga centra da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka Snaga centra nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić